

銅梁縣地理志

地 250.19

342

部 122

250.19

342

部 122

銅梁縣地理志

張佐周先生著

桑琴城題



中華民國三十三年五月出版

銅梁縣地理志

編輯者 銅梁張佐周

校刊者 銅梁唐宗堯

印刷者 銅梁巴川印務局

托售處 銅梁各書店

銅梁縣地理志

彭序

張先生佐周手撰銅梁縣地理志，既脫藁，以示余而請叙之，予于地理之學，未窺涯涘，然佐周老友也，曷日銅梁縣修志局以總編輯見委，予謂地志一門，非佐周莫屬，且曰，地理之用，不重自然而重人為，不在藻飾風景地理，而在揮發政治地理，自神禹水土底績以來，黃流率爲大患，設官耗帑，歲常千萬數，而患不止，但從患處補瘡，而未原委勘劃，輔以縝密之科學，爲一勞永逸計，懸爲中國不解之案，匪直此也。四川山高水下，百五十縣域，川流與邱原相轆轤，彌望皆是，夏洪則任其氾濫，春晰則委諸涸枯，至于水電航運之利用，噤口以爲無法，此千百年有用之處女地，末由妝飾而遺嫁之，以大關國家民族之生產力，可勝嘆哉，乃者何伯衡先生長四川水利局，搜羅技術人才，作四川全部新經濟之建設，曰岷江堰，曰震澤堰，曰四聯堰，如

銅梁縣地理志

一

銅梁縣巴川印務局承印

南道水力，動以巨萬馬力計，鬼然占世界之一位，迨其成功，農田加于舊籍倍蓰，航程蛛絲螺旋，躋巴蜀爲工業化之奧區，信所謂鞭笞山河而聽命，調節旱潦而適中，命曰民族復興之天府，殆無遜色，若如吾銅小安溪之計劃，縣縣可爲也，昔者李太守冰鑿離堆，化蛟螭之窟，裛甘露之漿，當時祀之曰神，實則政治地理之作風耳，顧未有如今日之設專官，攻專職，溥其利于無遺，佐周此志，應時而出，殫一生之精華，續爲八編，條貫明晰，在在足爲政治軍事之實用，藁凡數易，躬勤跋涉，攷之列籍，稽之方聞，驗之有司，然後至今乃出而問世，于立言者乎，予幸其涖厲自食，不受公糈，竟三十年無懈志，無能訾，豈苟其繭疲者，然而珍矣，予故慨言之，以證其有煒時効云爾，民國三十三年五月，彭世勳澤久甫叙于巴麓。

周序

歌哭聚族之地，勤遠畧者或忽之，宜其見笑於大方之家矣，吾友張君



佐周，自清末川師畢業，教授史地三十有三年，生平覺天地萬物乃至一花一葉皆極妙，故其言語妙天下，雖然張君老矣，昨以其鄉土之搜集成銅梁縣地理志，余讀之，覺珠光劍氣，咄咄逼人，是所謂藏大千世界於芥子中者耶，是爲序，銅梁周正寰。

練序

今之作者，輒津津於藝術之美，或科學之真，無論其果否然也，究能盡善善矣乎？余老友張君佐周，讀書等身，語妙天下，銅中作教，卅年有三，顧專史地而舍藝文；課餘撰述，益忌空談，而實錄銅梁地理志，以足縣人文獻之徵，并爲心理物質建設之助，可謂真矣，美矣，又盡善也余雖不文，竊樂而序之。

夫縣爲地方自治單位，亦國家憲政基層，欲有以促成之，亟有待於地志，蓋地盡其利，人盡其才，而後物盡其用也；又必利民之用，厚民之生，而後能正民之德也，銅梁大小安溪，儘多利源，東西兩山

銅梁縣地理志

二

銅梁縣巴川印務局承印

，亦皆寶藏，惟其人爲不臧，委之自然，始終命託於天，貨棄於地，偶然水旱，徒喚奈何；安得謀閉不興，盜竊亂賊而不作邪？善哉！地理志之作，適足爲民更始矣。

聞之：天時人和中需地利，土地資本，端賴人工，有土有人，斯有財用，吾銅戶籍十萬，人地加多，患寡患貧，迄不加少，豈地之不治歟？抑人之不才歟？要皆各營私利，而不曾開發公利也，張君地志，序列八篇，搜羅萬有，豈惟有補縣志而已，殆將改建縣人之心理，藉施產漢之手術，發達物質之文明，俾十萬家，皆慶有餘，無或不足者，余亦縣人，固甚樂其有成也，同事弟練廷梁拜手。

江序

蜀中郡邑，予昔飄泊干戈之所至，其山川雄麗，地勢險峻，財物寶藏之豐阜，禮俗厚而儒風隆者，尙不多覩，今春何幸適銅，以理訟牒之暇，登眺鳳山公園，於山見巴嶽之聳峙霄漢，於水觀溪流之襟帶城堦

其他煤鐵紙棕，暢銷于涪渝，學校文化，媲美于鄒魯，而地形險要，足資拱衛陪都，已欣然得攬勝概，繼而講學此間，正冀可搜求縣志，以周覽風土景物之詳，茲同校教授張佐周先生，竟出所著銅梁地理志一書，囑爲之序，乃才慚彩筆，亦未能固辭，爰釋其編輯意旨，及體例大凡，蓋在供地志之常識，詞取淺近，增讀者之興趣，錄古詩歌，至篇第內容，分述四大著名之山脈與河流，動植礦物品類之殊異，政區交通之界綫，歷代兵事攻守之遺蹟，尤能原原本本，殫見洽聞，先生斯志之作，克臻美善，殆可謂苦心孤詣，憂憂獨造者矣，若以列入學課，匪特足啓人愛鄉土之心，感發興起而有爲，並有益於抗戰策略，切合時勢之需要，較諸徐松龕瀛寰全志，魏默深海國圖志之荒遠難稽，其有功於學校，有裨于軍事，爲何如耶，吾願人手置一編，作寶山臥遊，藉資談助，廣其流傳，以備輜軒之採，而補邑乘之缺，豈不懿歟，時

銅梁縣地理志

三

銅梁縣巴川印務局承印

中華民國三十三年甲申歲孟夏穀旦德陽江金圃序于銅梁中校之西軒。
康序

地理之學 古略而今詳，古疏而今密，昔之著作專家，凡名勝之膾炙人口者，潤色特詳，不稍遺漏，若偏僻下邑之山水橋梁要隘交通，以及連帶關係之點，闕畧滋多，有識之士，抱歉於懷者久矣，吾邑佐周教師，以史地專門人才，課餘之暇，編輯銅梁縣地理志一書，攷據精詳，內容豐富，且有經遊歷所得，見聞尤確，非盡拾諸他人簡編，以自炫其鴻博，但以此編之載，徵諸所引之書，歷歷對照，黍寸不差，無有一句詞藻不與昔人之紀載者同，經二年餘攷核修飾之功，出以顯明暢快之筆，其裨益於地方之掌故，可以傳諸久遠而無疑，余生平喜讀近人所著遊歷記，故五洲之名城大都，山水奇蹟，若尼亞加拉之瀑布，美利堅之黃石公園，挪威瑞典之峽江，羅馬之教皇宮，巴黎之蠟人院，埃及之獅身人首像，金字塔，頗能道其匡略，惟於本縣東西二

山及涪江小安溪環近地，俱不能一撮其要點，今覽此編，心境豁然，如得南鍼，因亟勸其付諸剞劂以餉同人，則此地理志者，實銅梁縣志成功之嚆矢也，因喜而爲之叙。

中華民國三十三年五月，愚弟康寅亮識于暇餘書屋

周序

遠稽地志，山經水經具存，近按專科，天文人文並重，厥記雖舊，亦列山川，其理常新，攸關政治，大而世界形勢，固當精研，細而鄉土見聞，何可忽視，此吾師佐周先生銅梁縣地理志之所由作也，地接宕渠，命名則見於蜀都，人聚城郭，置邑則昉於唐代，實業夙饒煤鐵，人物舊有張王，言富庶誠足以誇東都主人，論交通亦何妨稱西蜀要地，舊有邑乘，每苦載而未詳，代出名賢，復多湮而不著，此又銅梁縣地理志之不可不作也，先生道參人天，早歲即耽地理學，識兼中外，白首不灰著述心，搜典籍於殊方，遠至三島，訪風土於野老，時經八

銅梁縣地理志

四

銅梁縣巴川印務局承印

年，紀政教以逮工商，條分縷晰，劃區域而標物產，綱舉目張，用力辛勤，原非一揮而就，徵引繁富，可謂十稔乃成，信爲一家之言，足當兩都之麗，此又邑人所未能，而先生所獨擅者也，家澤執經問字，昔曾獲侍立亭，爲國育才，今幸叨陪絳帳，讀先生之著作，恍如臥遊，愧學識之粗疏，莫贊一語，爰請付諸剞劂，以光鄉邦，惟冀自茲流傳，嘉惠後進，諒亦爲時賢所樂許也，是爲序，甲申孟夏 受業周家澤謹識

黃序

國民政府，最近公布纂修志書辦法，規定省志三十年一修，市縣志十五年一修，立法之意，深恐年久失傳，記載不詳，且不實也，吾銅志書，自前清光緒初年，陳世五先生續修後，迄今已七十餘年矣，其間雖幾經纂修，耗費鉅資，卒未告成，回憶光緒末年，前邑侯沈耀青奉令纂修，并遵令改名鄉土志，設局修理，余曾任採訪職務，嗣經總纂

夏騰九先生編輯成書，繕呈縣府，轉交勸學所梓行，蜀局多故，中更倣擾，竟罷議，後余宦遊燕皖，解組歸來，偶檢舊笥，得當日採訪鄉土志稿，閱之，其人其事，茫然如隔世焉，時不可失，誠哉言也，訪聞民國初年，曾議修一次，並隨糧附征經費若干，彼時文書具在，耆老健存，經費備亟充裕，儘可着手，惜未成功，復經鍾前縣長成立文獻委員會纂修一次，閱前縣長令譚教育局長依照舊志體例續修一次，念五年，汪前縣長又一度倡修，余復尸職其間，亦成虛語，三十一年，羅前縣長提議設立修志委員會，開會時，僉推縣長爲委員長，余爲副委員長，曾討論數次，毫無端倪，迄今兩年有餘，能否告竣，殊不可知，雖其間原因繁複，而循名以責，余之負疚則多矣，吾邑張佐周先生學識淹貫，尤精輿地，著有銅梁縣地理志一書，本擬附入縣志，以縣志之成功不易，竟單獨付印，書成見示，讀之，竊嘆其記載詳博，義例精嚴，披篇玩古，則千載同時，削簡傳今，則萬彙如賭，誠地

銅梁縣地理志

五

銅梁縣巴川印務局承印

學之宏編，鄉邑之寶錄也，先生以一人之力，僅數年之間，而是書告成付印，較吾邑志書，越數十年而未就者，其遲速奚啻霄壤，又以一家之言，建不朽之業，寄知音於後世，先生之志願，亦宏且遠矣，書凡八編，編分若干章不等，裝訂一冊，爰承先生督叙，特述其顛末如此，中華民國三十三年，歲次甲申，夏四月，邑人黃正朝。

題辭

銅梁之名天下曉，山川人物震羣島，自古迄今版圖香，其間物色何皇皇，同是中原一塊土，山川源委誰能數，歷來修志總不詳，山脈水脈多荒唐，綜乃大綱缺細畧，我銅幾人窺囊鑰，鹿頭山脈蜿蜒來，凡屬水脈亦兼賅，蠶叢闢後洵如此，一山一水有源委，况今我縣近陪都，忍聽地志再模糊，抗戰建國有年矣，何人關心銅梁史，鄰封縣志告成多，如我銅兮今若何，修志之名滿人口，修志之實誰着手，記得當年夏賢書，騰九先生一步陳公世五先生之後途，九月一編鄉土志，未付剞劂遭屏

棄，今得佐周張先生，地理一志指日成，鴻編巨製良可讀，大書特書筆不俗，巴嶽六羸與太岡，三山大脈謹鋪張，大小安溪並淮遠，源流一一歸檢點，鑛物植物一齊搜，索乃源頭窮乃流，不求其末求其本，見本知末我首肯，不求其粗求其精，由精及粗我更驚，凡關地理咸記起，遠作教科之宗旨，年來挑盡芸窗燈，安頓此編補邑乘，殘山剩水搜羅盡，務使中心無遺恨，修史之衷仿馬遷，修史之筆董狐併，近年以來修縣志，耗盡金錢無一字，先生不使公家錢，十年心血燦一編，此等氣概良足取，苦心孤詣疇克比，胸中浩氣貫長虹，羣欽先生之高風，銅梁不朽君不朽，彼蒼定昌先生後，修銅總志定有人，誰步先生之後塵，此呈

佐周仁兄教正弟朱子鋪待定草

時年七
十有八

時序

志以地理名，限於地理之記載也，地理志冠以縣名，又限於一邑之地

銅梁縣地理志

六

銅梁縣巴川印務局承印

理也，若是則志亦似易易也。雖然，志豈易言哉，志又豈易作乎哉，古之爲志者，類皆聚多數人之心思才力，經若干年之月日時間，宏篇鉅製，綱舉目張，釐然秩然，有條不紊，義衷於衆而論始公，辭善其修而體斯當，此無問國志省志郡縣志，固非輕率膚淺，可以且暮從事者也，次焉者如分言天文地理禮樂刑政倉庫食貨之類，各精一業，自成一家，體裁雖大小有異，而考證則鉅細靡遺，苟非其入之道德學問經濟文章，不足以見重時流，啓迪後進，終難望推許爲必傳之作也，審乎此，則張君佐周之銅梁縣地理志，真難能而可貴者矣，君世傳家學，長有文名，持身則和平敦厚，應物則明允篤誠，爲余少年時之摯友，余愧浪遊虛度，學植荒落，君則不沉溫飽，辛苦講習，執教鞭三十餘載，至老弗衰，縣人出其門者不可勝數，修己之勤，育賢之功，爲何如也，暇則博稽羣籍，潛心著述，憫縣志之未修也，先成地理志八編，已由門人等攜去付印，爰出其編輯大意與叙錄，囑余爲序以殿

之，嗟夫，余奚足以言序哉，第留心披讀，則知君注重生產之建設，使閱者曉然於地利之豐盛，正可盡量開發，有以厚民生而裕國用，又以知搜集材料之衆多，使閱者洞明乎地域之情狀，更宜觸類深研，有以信今茲而垂久遠，事若專精一業，文實獨成一家，遺澤孔長，是卽道德之見端也，徵文綦富，又卽學問之彰著也，語其章目編次，經濟之才略具焉，語其字句修潔，文章之能事嫻焉，斯志之成，耆宿驚爲瑰寶，學人奉若圭臬，古有立不朽之業者，君殆其流亞歟，信乎茲書之必傳，且可獲無窮之贊譽矣，他日盡出所作，福利人羣，大增吾邑之榮，則更將拭目俟之。

中華民國三十三年五月二十八日時 霖謹序

題辭

寰球之中有銅梁，銅梁山水鬱蒼蒼，巴嶽六羸翁左右，此是鹿頭山脈長，兩山之間必有川，淮遠洞河出其間，大安溪又小安溪，中有高人

銅梁縣地理志

七

銅梁縣巴川印務局承印

系統之，編輯成書補邑乘，條分縷晰費尋思，郭璞以後有酈元，山經水經歷載焉，還有太冲蜀都賦，銅梁宕渠萬古傳，我讀張君地理志，赫赫鴻篇真巨製，襄憲而後又一人，豎章豎亥步天地，
中華民國三十三年五月廿九日弟冷天才甫南軒拜題

銅梁縣地理志

弁言

軍興以來，建國與抗戰並重，而銅梁密邇陪都，心理及物質之建設，尤爲切要之圖，惜舊志簡略，沿革不詳遞嬗，山水漫無系統，而交通物產，半付闕如，不足以應環境之需要，識者病焉，僕不自揆，爰根據舊志，旁參歷代官私載籍，並平日采訪所得者，輯爲是編，顏曰，銅梁縣地理志，謹付剞劂，以饗讀者，倘蒙 耆碩方聞，糾謬繩愆，藉匡不逮，尤所感幸，中華民國三十年，八月既望，邑人張家駿甫佐周識於銅梁中學。

編輯大意

- 一、本書係仿照中華民國地理全誌之部門編輯，以供給縣人本縣地理常識爲宗旨。
- 二、本書各編，概用淺近文言敘述，不尙奧奇，以期讀者易曉。

銅梁縣地理志

銅梁縣巴川印務局承印

- 三、本書敘述山水，其經過地域，無論是否縣境，山必詳其起訖，水必究其源委，以明系統。
- 四、本書敘述各類物產，概沿當地舊名，俾讀者一目了然。
- 五、本書敘述水陸交通里程，強半估計，未經實測，謬誤之處，尙希讀者諒之。
- 六、現值國難當前，特附兵事一編，概述本縣歷代攻守遺跡，以喚起縣人抗敵之決心。
- 七、本書於敘述各編後，仿照張其昀氏編纂高中本國地理之例，間錄古代名人詩歌，以饒讀者興趣。
- 八、本書所取材料，除得之采訪者外，參考圖書，悉揭卷首，俾讀者欲求詳盡，可以翻檢原書。
- 九、本書爲供給時勢需要，匆促出版，內容或有忽略脫漏之處，如蒙讀者來函更正，尤所歡迎。

參考圖書目錄

銅梁縣志 銅梁縣全境輿地圖說 四川陸軍測量局地形課第十二
 班測繪銅梁縣全圖 銅梁縣城市詳圖 大清一統志 四川通志
 大清會典 華陽國志 通典 續通典 皇朝通典 通志 續通志
 皇朝通志 文獻通考 續文獻通考 皇朝文獻通考 讀史方輿
 紀要 天下郡國利病書 輿地紀勝 地理五種 乾隆府廳州縣志
 歷代疆域沿革表 歷代疆域沿革險要圖 府廳州縣異名錄 中
 國古今地名大辭典 中外地名辭典 中華民國道縣形勢圖說 中
 國歷史戰爭形勢圖說 中國歷代疆域戰爭合圖附說 中華民國地
 理全誌 中外地理大全 中國分省地誌 中國經濟地理 中華地
 理分省圖說 中華民國建設地圖附說 人生地理學 氣候地理學
 地理哲學 地質學 地文學 生物學 礦物學 方輿名山考
 蜀水考 水經注 水道提綱 水經要覽 山海經 博物志 續博

銅梁縣地理志

二

銅梁縣巴川印務局承印

物志 異物志 七修食稿 二十四史 十三經注疏 資治通鑑
 史學叢書 說文通訓定聲 歷代詠物詩選 草蟲小記 辭源正續編
 分類字源 本草綱目 藥性大辭典 三農記 花鏡 銅梁縣政

府第一科檔卷

銅梁縣地理志敘錄

第一編 總綱

叙曰，銅之爲國，實兼巴蜀，文翁設教，齊魯蠻濮，建置都邑，亦足
 以治，述總綱第一。

第一章 名稱位置境界及面積

第二章 城壁

第三章 城市概況

第四章 地質

第五章 氣候

第六章 形勢

第二編 山脈

敘曰，銅梁山脈，來自鹿頭，毓青東趨，巴嶽南峙，六羸西來，環城作鎮，述山脈第二。

第一章 銅梁山

第二章 六羸山

第三章 巴嶽山一名西山

第四章 毓青山一名東山

第三編 河流

叙曰，大小安溪，淮遠洞河，匯納衆流，朝宗涪水，航行灌溉，實利賴之，述河流第三。

第一章 涪江 一名內水

第二章 大安溪 一名安居溪

銅梁縣地理志

第三章 小安溪

第四章 淮遠洞河

第四編 物產

敘曰，銅梁地勢，左巴右涪，水陸珍奇，精華所聚，載生載育，天開美利，述物產第四。

第一章 動物

第一目 家畜類

第二目 山禽類

第三目 野獸類

第四目 水族類

第五目 昆蟲類

第二章 植物

第一目 穀菽類

第二目 山糧類

第三目 蔬菜類

第四目 花類

第五目 果類

第六目 草類

第七目 木類

第八目 竹類

第九目 藥類

第三章 礦物

第一目 金屬類

第二目 非金屬類

第五編 沿革

敘曰，周秦到今，地制不常，名號數更，縣治無定，銅安^安既合，始^成或

銅梁縣地理志

四

銅梁縣巴川印務局承印

今域，述沿革第五。

第六編 地方

敘曰，地方政區，原於自然，曰鎮曰鄉，比之區縣，具體而微，優劣互見，述地方第六。

第一章 第一區一覽表

第二章 第二區一覽表

第三章 第三區一覽表

第七編 交通

敘曰，西北交通，涪航最便，東南山地，實鮮康衢，公路既通，化險為夷，述交通第七。

第一章 陸路

第一目 公路

一名汽車路

第二目 人行路

(甲) 東路

(乙) 南路

(丙) 西路

(丁) 北路

第二章 水路

第三章 郵政及電報

第八編 兵事

敘曰，古之巴蜀，分治縣境，攻守遺跡，文獻無徵，由漢迄今，代有紀者，述兵事第八。

第一章 後漢

第二章 東晉

第三章 唐

第四章 宋

銅梁縣地理志

五


銅梁縣巴川印務局承印

第五章 明

第六章 清


第七章 中華民國

銅梁縣全圖



例		圖	
	縣署		鎮
	鄉		河流
	山		山脈
	路		縣界
	區界		區界

銅城梁縣圖



西市運動場

千佛岩：迎恩門

化遠清

壁

沙堤

望仙樓

銅城大路

地沙橋

南麓嘴

魁台坡

經虎山

銅梁縣地理志

第一編 總綱

第一章 名稱位置境界及面積

本縣因舊境奄有銅梁山而得名，治城東南距陪都重慶一百八十里，西北距省治成都六百八十里，東南距第三專員區治巴縣^橋二百一十里，東起西經十度零六分，以通過舊北京觀象臺之子午綫為中綫，西止西經十度四十分，南起北緯二十九度三十六分，北止北緯三十度十二分，治所當西經十度十九分，北緯二十九度五十八分，東南界璧山縣，西南界大足縣，正南界永川縣，東北界合川縣，西北界十二專員區潼南縣，東西廣八十餘里，南北袤七十餘里，東北西南斜長一百二十餘里，全境面積，約六千零五十餘方里。

第二章 城壁

城壁橢圓而固，明天順中石築，周六里有奇，高一丈三尺，門七樓四

銅梁縣地理志

六

銅梁縣巴川印務局承印

，東曰青靄，南曰延薰，西曰成慶，北曰迎恩^樓，西南曰長寧^樓，民國七年，因

涉巴高兩河漲積而設，不常開，曰流月，西北曰望仙^樓，以上無水洞門三，一在望仙門，高灘河一

在縣署左，巴川河一在明月橋，巴高兩河匯，流出焉，礮臺四，虛礮臺九，環城濬濠

，繚以木城鹿角，今毀，惟虛臺濠跡猶存。

按舊志，城門各有額，而邑人誤以正東青靄門為北門，正西成慶門為南門，正南延薰門為東門，正北迎恩門為西門，沿訛百年，積重難返，茲特釐正之，後仿此。 自注

第三章 城市概况

城內地勢，周高中凹，一遇淫雨，城中部必遭淹沒，為民大患，商務繁盛之地，在城中心大十字街，正街，大南街，新南街，最足述者，縣立中學，踞城北極高處，校基寬廣，建築宏大，而風景尤佳，蓋俯瞰全城，仰視東巴兩山，宛然一幅美畫，左右顧盼，遼闊無垠，但見農樵自強不息，令人軒然興遠志，故縣屬暨鄰境學生，多負笈遊此。

按治城方隅，大南街新南街，應改為大西街新西街。 自注